

廣西第十七

桂與湘鄰。桂巡撫沈秉堃協統趙恆惕皆湘人。湘獨立遣黨人羅松濤兼程走五晝夜達桂林。說秉堃恆惕起兵已允矣。而巡防軍皆爲藩司王芝祥所統。芝祥北人所部。又慄悍。以故新軍不敢動。湘紳劉人熙者。芝祥姊夫也。幼從之受讀。湘黨人屢命人熙說芝祥。芝祥以諮議局議長甘德藩提出條件。望獨立黨人冷遁耿荷生。復時時煽軍隊爲變。有允意。而沈秉堃陽爲拒絕。芝祥亦不敢言也。不敢動不敢言迴環縈抱乃命人監獨立旗幟於城垣內外。大書恭請沈都督宣布獨立。冀秉堃有所聞。適諮

議局副議長秦步衢自長沙歸主獨立尤急至夜秉堃
果赴諮議局承認前提條件宣布獨立九月辛巳公推
沈秉堃爲都督王芝祥爲副都督秉堃以世亂旣就職
宣言暫攝都督篆不久留而同盟會黨人李應元陳樹
勳蒙經盧汝翼張仁普張鴻智等欲乘勢攬政權以芝
祥北人不欲以芝祥代秉堃

委曲畢現借此逼出陸榮廷

乃授意桂

林報詆防軍譽新軍并遣人喉防營爲變甲申防軍十
五隊步兵譁變攻藩署衛兵八人迎門與戰十三隊幫
帶宋尙傑時駐署內聞警出揮兵擊之叛兵潰退尙傑
分途追逐而十五隊砲兵亦變搗毀議院電報局方欲

會攻藩署。道與潰兵遇。遂同走。當是時第一隊十四隊亦聞聲響應。十四隊已戕管帶李鼎勛矣。尙未出。尙傑復以兵圍之。迫令繳械。遣散亂乃已。南甯提督陸榮廷。本武人不諳政治。而桂籍革命時南北界限頗嚴。前文一則曰北人再則曰北人此又着桂籍二字。皆寫當時事實。也。一棒一條痕。一擱一掌血。自桂林宣布獨立。黨人

卽通電擁戴。令逐芝祥。榮廷與芝祥平遊匪共。甘苦陸洽。不爲動。至是電報局被燬。電阻。訛言桂林兵變。官吏逃安邊道陳鳳昭。及標統陳炳焜。遂電桂林舉榮廷爲都督。黨人和之。秉堃。芝祥愈不安。時湘鄂方電促各省會師北伐。諮議局卽公推秉堃。芝祥出督師。而電促榮

廷來桂榮廷不悉黨人謀遽允之

一推出一引進隱微曲折非此分風擘流

之筆不足以達之

十月乙未朔秉堃辭職以趙恆惕爲統領率

師一協道湘援鄂王芝祥攝行都督事芝祥既不爲黨人所擁戴乃編巡防軍爲六大隊日夜訓練備北伐十二月丁酉陸榮廷率精兵數千到桂芝祥恐兩軍相見爲黨人所喚起釁端俟榮廷行距城數十里卽拔隊離桂而榮廷遂入爲都督時諮議局已改爲廣西議院議員蒙經等議決臨時約法及軍政府組織大綱及榮廷來一切政權遂爲議院所奪

前文不悉字遽字此處二遂字筆筆紀實字字傳神

不着一字以盡得風流

以陳樹勛爲民政司長嚴端爲財政司長張

仁普爲司法司長，蒙經爲銓叙司長，盧汝翼爲法制局長，諮議局副局長秦步衢爲巡警道，兼統防營。初，廣東高雷陽道彭言孝巡防統帶黃開仕，皆桂籍。高州亂，言孝開仕率巡防數營，由高州遯入陸川，進據鬱林。王芝祥懼言孝等爲變，卽命言孝統領潯鬱游擊國民軍。至是，廣東兵譁變，大掠州民，恐懼推管帶黃開仕爲知川。開仕遽奪良家婦女十餘人入署，叛兵擾益甚，商民切齒。陰與前知州陳廷傑巡防管帶梁遵賢、劉坤隆謀，分兵攻開仕。廣東兵敗，言孝逃走，至西門外，民團復擊之。言孝僅以身免。開仕窮促，至夜縋城走。亂定，陳廷傑復

爲知州時財政司長嚴端內務司長陳樹勛任事勇決
輿論疑沮巡警道秦步衢議員蕭晉榮王乃昌尤不直
其所爲久之黨人疑懼遂密謀遷省南甯避攻擊民國
元年二月召集臨時省議會同盟同黨議員自由集會
南甯而議員蕭晉榮王乃昌等以廣西貧瘠秩序急待
維持不宜自由集會遂別組一省議會以相抗并電陳
袁總統求主持袁總統以議員集會南甯非法嚴電軍
政府解散之而軍政府左右皆黨人陸榮廷仍不悉黨
人謀黨人竟假榮廷名宣布南甯爲省會前爲都督此
遷省會皆納
入不悉二字中妙妙袁總統以權力未能統一乃以是案諮詢臨

時參議院參議院可決之廣西省會竟遷入南甯水土惡劣夏日溫度達一百八九度且地處極南與越南鄰官吏至者咸感不便詆黨人二年孫黃革命喉陸榮廷獨立使者踵錯於途榮廷不爲動且助龍濟光定廣東亂定廣西黨人始匿跡

王陸去來爲桂局關鍵筆筆活字字醒

廣東第十八

自孫文倡革命粵遂爲黨人淵藪地又邊海與英界香港一水隔黨人出入較他省便故舉事獨多語皆詳革命源流篇宣統三年八月武昌事起黨人陳炯明胡漢民等麇集香港謀起兵總督張鳴岐水師提督李準盛年強幹戒備嚴黨人不得逞而人心恐駭謠誅蠶起九月戊辰將軍鳳山至粵自大吏以下惧要擊不敢出迎及行入大南門黨人果以炸彈擲之墻屋崩頽尸骨紛碎省垣大震粵紳鄧華熙梁鼎芬等集議謀自保免紛亂截留協餉監督財政鳴岐躡其議卽奏請停解京餉

宣布自保將署內龍旗撤下矣。後聞北軍在漢口戰連捷。復豎龍旗。并奏言臣辦理粵事不善。請罷黜。効力自贖。清廷殊諒之不罪也。鳴岐復飭屬罷各項雜捐。請粵路仍歸商辦。以結民心。未幾腹地各省相繼獨立。黨人不得逞。愈激昂。乃散巨資。招土寇。使倡亂。各屬分省垣。

兵力。

革命策源之地。竟讓人先着祖鞭。宜其奮也。然愈見張李二人之能。

於是粵屬土匪。

蠭起。焚掠劫殺無虛日。鳴岐悉其謀。始大懼。九月己卯。

民軍入香山。千總張德潤死之。辛巳。民軍入博羅。管帶何培德。千總何培清死之。壬午。新安歸善皆失守。民軍號數萬。圍惠州。張鳴岐與提督李準。龍濟光等議進止。

濟光謂土匪不足慮。一戰而定。準以水師携貳難戰。不如順輿情。宣布獨立。鳴岐從之。癸未。粵民遂舉張鳴岐爲都督。呈上木質印信。鳴岐受之。而香港黨人利鳴岐去。揚言鳴岐前殺黨人多。須受審判。又電傳北京陷。兩宮自盡。鳴岐聞之。卽乘英艦詣香港。布政使陳望曾提法使王秉恩。運司蔣式芬。均散走。時官民擾攘。不知主帥所之。哭聲震天。金珠滿地。間以偶句穠郁可觀此法亦本史記桂軍統制龍濟光嚴兵守飛來寺。軍械庫藩庫以故。槍彈數百萬。銀幣數十萬。紙幣八百萬。均得保存。而城內秩序不至大亂者。濟軍鎮壓之力爲多。甲申。胡漢民陳景華黎

國廉李福林羅文幹石銘泉等自港來粵以諮議局爲軍政府集粵紳會議或說胡漢民爲政治家可任都督漢民卽自畫名於黑板上覓白錫腰牌佩胸前次舉民政長陳景華以黎國廉對舉警察長國廉以景華對漢民皆爲書黑板上予錫腰牌傳呼籐兜赴新任每到署龍軍守署門喝問各以新官對乃放入是日惠州民軍總司令陳炯明攻克惠州惠潮嘉提督秦炳直走管帶許德普死之乙酉民軍第四師攻潮州城內民軍開門降總兵趙國賢游擊白如鏡死之未幾知府陳兆棠亦爲亂軍所殺初胡漢民等欲攻城苦無械凡兵應募自

携槍械者則給價百五十圓。月餉十圓。及省垣獨立民軍。蠶擁入城。爭掠各衙署鎗械。博現銀。石銘泉者。盜魁也。自起一軍。名志成公司。騷擾尤甚。至是竟逼踞水師行臺。掠大礮去。軍政府下令勒其遷出。銘泉不聽。準憤甚。欲攻之。繼恐震動省垣。乃貽書軍政府曰。前日之所。以不忍去者。以張督旣已宣布獨立。不能不與龍子澄軍門維持治安。答父老厚意。詎數日以來。堪以痛哭流涕之事。層見迭出。揆之始願。實不及此。再四思維。祇有毅然捨去。不敢復留。辛卯。準去。漢民本書生。弗知兵。而陳炯明自惠州來。携軍餉三十萬。濟省垣。高州新軍參

謀黃士龍當宣統二年春倪映典舉事時士龍調和軍警爲新軍所信仰炯明士龍皆有都督望衆復推炯明爲副都督士龍爲參都督粵黨爭本激烈自黨人招土寇爲民軍民軍多不法誅不勝誅粵糾焚遂爲各省最

領起下文
文勢駿邁

十月己亥初廉州府獨立推欽廉道郭人漳

爲都督人漳走而黨人爭權喉防營爲變戕軍政分府總司令楊德昭逐知府李端棻盜魁陳武遂自稱西南部大都督焚劫數日紳商赴省求援軍政府方草創紛亂不之省久之始以龍濟光爲欽廉高雷瓊崖等處安撫使凡各屬軍隊均歸節制由是粵西南始漸定十一

月。先作一小小收拾停蓄有法

丙寅胡漢民隨孫文赴滬以陳炯明

代理都督王申化州防營管帶李中柱率兵出巡民團
長彭炳楫誤爲匪圍中柱殺之防營遂與民團戰焚燬
十餘邨初瓊州獨立衆推瓊山縣知縣范雲梯爲統領
民賴以安趙世槐者黨人也廣州軍政府以爲瓊崖安
撫使世槐至瓊爲土寇所惑謂雲梯竊兵權命交械雲
梯及商民皆不從世槐怒擲炸彈攻城商團登城擊之
世槐敗遯不歸胡漢民以粵難治充孫文秘書時汪兆
銘在北京已出獄粵人遂舉兆銘爲都督而陳炯明握
兵權兆銘辭復舉朱大符馮自由大符自由亦辭炯明

仍攝行都督事。民國元年二月乙丑初，王和順爲亂廣西。提督陸榮廷擊之，遯至欽廉。繼犯鎮南關，復爲榮廷所擊敗，乃遯至惠州。聲勢復振，炯明藉其衆，逐秦炳直。據有惠州，稱惠軍統領，廣州獨立。和順率其衆歸廣州。據虎門砲臺，駐南關。卽遣人說榮廷饋餉銀二十萬，釋舊怨。復日出焚掠於石龍、東莞各境。而其部將關仁甫私招兵數千人。至是，軍政府檄令解散。和順不從，遂叛。變關仁甫踞東堤，以大砲猛轟城內。楊萬夫分攻永漢、歸德二門。陸軍分途禦之，戰三日，惠軍大敗，盡繳械降。和順、遯而黃埔虎門各砲臺仍爲惠軍所踞。炯明遣標